

Hylli i Dritës

Ubi Spiritus Domini, ibi libertas.

(II ad Cor. III, 17-)

1. Hominem non habeo	Fq. 385
2. Dashtnija si parim pedagogik	401
3. Kufini Shqypëtaro-Serb e Shqipëta- ro-Grek	407
4. Lodja në shtegtim	418
5. Lajme	423
6. Bibljografi	423

Posta e jonë.

Pajtimtarve u lutena edhe një herë me lexue çka patem botue në faqe të katert të syprinës së Numrit të kaluem, per në mos daçin me na dhânë shkas me bâ çka si s'na don zëmra.

Vlorë E. M. — Pajtimin per vjeten 1922 e muerem; kemi uzdajë se per së shpejti do të na dergoni edhe atë të ksajë vjetë.

Krue F. Ç. — U falena nderës per kater pajtimet per të cillat paret i kemi mârre rregullisht.

Tiranë. L. K. B. — Per çka jeni tuj na lypë u lutena të shikjoni syprinen e ksajë së Perkohëshme. Në mos e paçi Numrin, mund e merrni n'Agenci të fletoreve kû gjindet edhe „Hylli“.

Bari. Z. K. — Do të kqyrim e, po mujtem, do t'u kondendojmë. Por, mos harroni fjalen e të moçmit: paguej e mos druej.

Korçë. S. Sh. — Edhe na gjindemi n'at hall. Po presim, n'uzdajë se nuk keni me na i vonue.

Durrës F. — Bâme gjith si na porositët. Shkoshi shndosh e ardhshi shndosh.

Gjinokastre V. K. — Muerëm pajtimin e u falemi nderës. Sa per dy broshurat do të perkujdesemi me jau nisë per së shpejti. Çmimi i të dyjave është frank àr 1.

HYLLI I DRITËS

Vjeta IV.

SHTATUER 1923

Numri IX.

Hominem non habeo.

(Nuk kam nieri.)

Motit kishte pasë kë në, dikû atjê në Palestinë, një peshkijzë — hurdhë e madhe e fort e çuditshme, ujët e s'cilles sa herë qi çohëj tallaz, po të kishte rà mbrendë ndonji nieri i smuet, ky aty shndoshej prej ç' do lingatet, qi të kishte pasë m'trup të vet. Prandëj per rreth asajë peshkijze rrite një numer i madh njerzish të smuet, tuj pritë të tundunt e ujit.

Ndermjet atyne të smundve paska pasë kë në edhe një nieri 38 vjet garravâxh, pa mujtë kurr me u lshue m'at hurdhë, sa ajo ishte në tallaz; pse, sa ky bâte me rà mbrendë, një tjetër, mâ i shpejtë, hidhej n'ujë, e kshtû garravâxhi i shkretë per vjet e vjet kishte ndëjë m'stom t'asajë hurdhë, tuj pritë kot të tundunt e ujit. Per ket arsye, kuer Dikush e pvetka: A do me u shndoshë? i pergjegjka: *Hominem non habeo* — nuk kam nieri, qi të m'ulë mbrendë në peshkijzë, kuer ujët âsht në të tundun.

Edhë Shqypnija u bâ garravâxh e krejt u paralizue gjymtyrësh, per 450 vjet të gjata qi vuejti nen zgjedhen e vrashtë e të randë të Turkis, e u bâ garravâxh, si në pikpame të gjallnis shpirtnore ase morale, si n'atë të gjallnis materjale ase ekonomike. Kshtû qi Shqyptarët, hupun dër kuptimin e jetës shoqnore civile, djerrë shqymit ndergjegjen komtare e të perdhosun mendjet me do parime djametralisht në kundershjim me ç'do perparim kulture e gjytetnije kuer, vjetin 1912, **Shtetent e Balkanit e Malcorët t'o-**

